



Në mbështetje të nenit 5, paragrafi 1, nënparagrafi 1.1, pika 1.1.1, nenit 12 paragrafi 1, nënparagrafi 1.5 dhe nenit 22, paragrafi 3, të Ligjit Nr.08/L-017 për Agjencinë për Parandalimin e Korrupsionit, nenit 21 paragrafi 2 të Ligjit nr. 06/L-011, për Parandalimin e Konfliktit të Interesit në Ushtrimin e Funkcionit Publik, neni 11, paragrafi 4, i Rregullores Nr. 03/20023 për Procedurat për Hetimet Administrative në Agjencinë për Parandalimin e Korrupsionit, Drejtori i Agjencisë për Parandalimin e Korrupsionit, me datë 05.09.2024, nxjerrë këtë:

Dep.	DPKI	Nr. Prot.	1210/24
Dep.		Prot. No.	
Nr. Faq.	02	Data	11.09.2024
Br. Str.		Data	
Nr. Page			
PESHKUTI			

VENDIM

Mbyllet rasti APK-DPKI-06-916/24, për zyrtaren e lartë znj. Arbenita Bajramaliu, Drejtoreshë në Drejtorinë për Kulturë Rini dhe Sport në Komunën e Hanit Elezit, për shkak se nuk ka prova të mjaftueshme që e argumentojnë dyshimin e arsyeshëm për ekzistimin e konfliktit të interesit.

Arsyetim

Rasti i hapur nën dyshimin për konflikt interesi në ushtrimin e funksionit publik për znj. Arbenita Bajramaliu, Drejtoreshë në Drejtorinë për Kulturë Rini dhe Sport në Komunën e Hanit Elezit, është trajtuar sipas procedurës së paraparë me Ligjin nr. 06/L-011, për parandalimin e konfliktit të interesit në ushtrimin e funksionit publik (në vijim: Ligji për Parandalimin e Konfliktit të Interesit).

Ky rast ka filluar të trajtohet pas informatës së pranuar nga jashtë (në vijim: raportuesi i rastit), me pretendimet për konflikt të interesit të znj. Arbenita Bajramaliu, pasi që e njëjta:

“Është drejtoreshë në Drejtorinë për Kulturë Rini dhe Sport në Komunën e Hanit Elezit dhe njëkohësisht është themeluese dhe trajnere vullnetare në Klubin e Volejbollit “Sharri” i cili ka përfituar subvencion në vlerë prej 2,500.00 Euro nga po e njëjta Komunë.[...]”.

Agjencia për Parandalimin e Korrupsionit, me shkresën zyrtare APK-DPKI-01/954/24, e ka njoftuar zyrtaren znj. Arbenita Bajramaliu lidhur me fillimin e procedurës për shqyrtimin e gjendjes së mundshme të konfliktit të interesit dhe më pas ka organizuar dhe mbajtur një takim në zyrat e Agjencisë, me ç’rast e njëjta është njoftuar me pretendimet e raportuesit të rastit si dhe me informatat që posedon Agjencia për Parandalimin e Korrupsionit, lidhur me këtë rast.

Në takim, znj. Arbenita Bajramaliu ka deklaruar se, ‘në kohën e përfitimit të këtij subvencioni, ajo nuk ka qenë në organe drejtuese të Organizatës Jo-qeveritare (OJQ), pasi që kishte dhënë dorëheqje disa muaj më parë’. Zyrtarja në fjalë ka mohuar gjithashtu ‘çfarëdo ndikimi apo vendimmarrjeje në cilësinë e Drejtoreshës për Kulturë Rini dhe Sport lidhur me ndarjen e këtyre Subvencioneve’, duke deklaruar se ndarja e subvencioneve është bërë nga një komision i veçantë i cili është formuar nga Kryetari i Komunës dhe se ajo nuk kam pasur asnjë ndikim e as vendimmarrje në atë proces. Ndërsa sa i përket punës në Klubin e Volejbollit “Sharri”, e



njëta deklarën se aktualisht është vetëm *trajnere vullnetare* në atë klub dhe se nuk ka asnjë përfitim material e as nuk është pjesë e asnjë vendimmarrje.”

Ndërsa, në kohën kur Klubi i Volejbollit “Sharri” kishte përfituar subvencion nga Komuna e Hanit Elezit, pozita e znj. Arbenita Bajram si Drejtoreshë në Drejtorinë për Kulturë, Rini dhe Sport ishte pozitë e zyrtarit të lartë në kuptim të nenit 3, paragrafi 1, nën-paragrafi 1.3 të Ligjit për Parandalimin e Konfliktit të Interesit, lidhur me nenin 3, paragrafi 1, të Ligji Nr. 04/L-050 për deklarimin, prejardhjen dhe kontrollin e pasurisë të zyrtarëve të lartë publik dhe deklarimin, prejardhjen dhe kontrollin e dhuratave për të gjithë personat zyrtarë (atëherë në fuqi), dhe për arsye të këtij funksioni, bazuar në dokumentacionin plotësues të dërguar nga znj. Bajramaliu me kërkesë të Agjencisë për Parandalimin e Korrupsionit, rezulton se nga viti 2024 e njëta është vetëm në pozitën e Trajnerit dhe lojtarit.

Pas vlerësimit të gjendjes faktike si më lartë, Agjencia për Parandalimin e Korrupsionit, duke u bazuar në dispozitat e Ligjit për Parandalimin e Konfliktit të Interesit, konstaton se në rastin konkret nuk ka prova të mjaftueshme që e argumentojnë dyshimin e arsyeshëm për ekzistimin e konfliktit të interesit.

Ligji për Parandalimin e Konfliktit të Interesit, në nenin 14 [Anëtarësia në organizata joqeveritare], ka përcaktuar se:


1. Zyrtari i lartë mund të jetë anëtar i organit drejtues, me përjashtim të funksionit drejtues, të organizatës joqeveritare nga lëmi i shkencës, sportit, arsimit, kulturës, veprimtarive humanitare dhe të ngjashme pa të drejtë shpërblimi me pagesë, përveç të drejtës në kompensimin e shpenzimeve të udhëtimit dhe shpenzimeve të tjera të lidhura me to.
2. Organizata joqeveritare sipas paragrafit 1. të këtij neni nuk ka të drejtë të lidhë kontratë ose të përfitojë fonde nga institucioni ku ushtron detyrën zyrtari që është anëtar i organit drejtues në këtë organizatë.

Bazuar në informacionin dhe dokumentacionin në dispozicion të Agjencisë për Parandalimin e Korrupsionit, subvencionimi i Klubit të Volejbollit “Sharri”, nga Komuna e Hanit Elezit, rezulton të jetë bërë në kohën kur znj. Bajramaliu nuk ishte anëtare e ndonjë organi drejtues të OJQ-së në fjalë, pasi që e njëta muaj më parë kishte dhënë dorëheqje nga pozita e përfaqësueses së autorizuar në OJQ (Letërkonfirmimi Ref.: 8919/2024), prandaj, kjo situatë nuk përbën konflikt të interesit në kuptim të dispozitave të sipërcituara të Ligjit për Parandalimin e Konfliktit të Interesit.

Nga sa u tha më lartë, u vendos si në dispozitiv të këtij vendimi.

Vendimi iu dërgohet:

- Zyrtarit të lartë publik
- Drejtorit të DPKI- së
- Z./znj. (zyrtari përgjegjës)


Vll Buleshkaj
Drejtore i Agjencisë për
Parandalimin e Korrupsionit

